

1579 März 11., Luzern

A

SCHREIBEN VON NIKLAUS CLOOS AN STATTHALTER HPTM. ANTON II. ZURLAUBEN, ZUG

"Uech ist on Zwiffel wol Jndenck wie Jch von dem [Heinrich] Schuochmacher [=S c h u m a c h e r] zuo Bar nit mag Zalt werden ... wie ouch Zeiger dis brieffs der Lenge nach wyrd können berichten unnd Letstlich von iüerwägen Jch witer gebeitet, unnd diewil er das Zil auch übersächen, unnd nummer dann XII wuchen ist das der gantbrief gemacht. So bin Jch Entlich gsinnet aller dingen von disem dröler ze zalt sin nit allein von die Zins sunder auch um das hauptgutt, oder Jch finde nit sovil recht, dessen mir aber nit Zwifflet, Jr unser Lieb alt Eidtgnossen [Ammann und Rat von Stadt und Amt Zug] werden mier nach iüerem bruch und alten harkommen richten und mier zu dem minem und von disem dröler verhelffen, dann Jch Je aller dingen von Jme begären, Jch hoffenn das recht werde es auch mögen ertragen.

Jch hatt doch vermeint er solte uff unseren alten merckht kummen sin, aber nüt, Jch gsich das kein warheit hinder Jme ist, dann er feren min Knecht auch mit gutten Worten abfergget und versprochen Jne Lassen verfahren, als wit er mit den rechten kummen möchte, do glich Laugnet er Jme wider, uff das hürig Jar bin Jch den rechten nach gangen, unnd hab mich Lassen von ouch und anderen erpetten, So hilffts aber nüt, also so ruffen Jch ein hoche Oberkeyt an, unnd wil gentslich bym minen erlangten rechten bliben, gutter hoffnung man werde mier richten das man gleichfals begäre das den iüeren by uns auch beschäche, dann Jch minem potten befolen sich Jn kein witere thädung Jnzulassen. Jch begäre auch ze erfahren was iüer recht vermöge, ob eines Jedoch mit sölichen verdröelten Lüten möge zuo Endschaft kummen ...

grützt dan mir bede Landvögt die Brandenberger [Beat Jakob B r a n d e n b e r g, Landvogt von Baden; Wolfgang B r a n d e n b e r g, alt Landvogt von Sargans]. ...

Jch pitten ouch hab Jch ouch Je gedienet So helfft mier gentslich von disem man".

"von H. Klosen und Heinrich Schuomacher"

Original, mit Siegel. Dorsualnotiz von Anton II. Zurlauben.
AH 75, 140